



UNIVERSITÄTS-
BIBLIOTHEK
PADERBORN

Universitätsbibliothek Paderborn

Quotidiana Christiani Militis Tessera

Stanyhurst, Guillaume

Coloniæ Agrippinæ, 1710

10. Dies Novemb. Non est timendum, quod liberat ab omni timendo.

urn:nbn:de:hbz:466:1-45477

num. Alterutrum necesse est eligas Dominum, vel qui supra omnes est, Deum, vel qui infra omnes, Diabolum. Vide quem eligas, quia nemo potest duobus Dominis servire: adstipulatur huic veritati Poeta:

Vix placet ambobus, qui vult servire duobus.

10. DIES NOVEMB.

Non est timendum, quod liberat ab omni timendo.

Tertullianus lib. de testam. Anima.

Ufus rectus I. **D**Ocui primas Deo tribuendas, secundas tibi vendica. Post Deum nullus tibi te ipso propinquior; sic ergo vive, ut vivas primum Deo, deinde tibi morere, quod quoad refugis, vivere desinis, & vivendo mortuus es. Est raræ artis & præclaræ virtutis, posse exequi hoc paradoxum, videlicet moriendo vivere, & vivendo mori. Hanc artem tibi suggerit, qui illam terris tradidit, cœli Magister, mortis victor, auctor vitæ, qui te uti vivere docet, ita malè vivere dedocet, & mori jubet, mandatque te ut cadaver, dum calcaris, non ejulare: dum sperneris, non respondere; dum pateris, non indignari; dum offenderis, non stomachari; dum derideris, non obloqui; dum spoliaris, non queri; dum percuteris, non altercari; dum accipis injuriam, non rependere vindictam. Cavet eadem, ne vivat in te stimulus carnis, quo Deo displiceas; pruritus vanæ gloriæ, quo obscures Dei gloriam: cupiditas honoris, quâ tollis honorem illi, cui soli debetur omnis honor & gloria: amor opum, quo redderis virtutum inops: appetitus laudum, sub quo latet congeries

geries fraudum; desiderium voluptatis, quæ est fons
omnis amaritudinis. Hæc si in te vivant, nihil in te
minus est, quàm vita, quia similis vita, simillima est
morti. Ne timeas tibi mori, mors illa liberat te ab
omni timendo; quid enim magis timendum, quàm
peccatum? desines peccare, si incipias tibi mori.

II. Mori te cum jubeo, vivere non prohibeo, imò
vivere te cupio, sed anima potius quàm corpore, spi-
ritu magis quàm carne. Debes te uti ad Dei obse-
quium, non te frui ad tuum delictum. Si te bene utaris,
beatè frueris. Usus tui officium tuum est; frui, vitium,
Labore frui non datur nisi transacto: non sane, imò
insane judicas, si hic vivere, aliud quàm laborare ex-
istimas. Utere corpore ut animæ jumento: ut sit illi
adjumento, dum illius indiget obsequio: sit illi usui,
non oneri: ancilletur corpus, dominetur animus: præ-
sit ille, hæc subsit: utere cibo, ut pharmaco: quidquid
excedit modum, nocebit supra modum. Ubi cibo-
rum est ingluvies, illic vitiorum est congeries. Ute-
re mero, merè ob debilitatem stomachi: quidquid
hic est nimium, est venenum. Pinguedo corporis,
est languedo spiritus: illius satietas, hujus est esu-
ries, primus cibi abusus, primum inflixit animo vul-
nus, nova ergò ingeminas vulnera, dum nova inge-
ris fercula, utere vestimento, ut nuditatis tegumen-
to, non ut vanitatis ornamento. Sæpè vestis concin-
nitas, est animæ nuditas. Sæpè ut later sub tordido
palliolo Pallas, ita & castitas. Utere rebus creatis, ut
alienis, non tuis: quantum requirit necessitas non vo-
luntas: ubi desinunt esse necessariae, incipiunt esse
perniciosæ; dumque usum excedunt, luxui serviunt.
Eas sic cura, ut creatorem non negligas: sic acquire
ut il-

ut illum non amittas ; sic auge, ut virtutem non minuas, sic dispensa, ut charitatem usurpes.

III. Utere tempore, cum scœnore : utere ut thesauro, quia est pretiosus omni auro : inutilis ille est dum otiosus ; exigit usuram, qui tribuit usum ; illo si abuteris, æternum perdis, quod aufert præteritum, non reddet futurum. Utere anima tua, ut vita tua, quàm ut sustentes, nutries meditando divina, amando cœlestia, desiderando æterna : ne mirare languorem, si parcum est nutrimentum : nec contagionem, si noxium est alimentum, meditando vana, amando vitiosa, desiderando illecebrosa, nutris animam non ad salutem, sed perniciem. Utere animæ facultatibus, ut vitæ adjutricibus, deserunt officium dum subtrahunt auxilium. Utere ratione, ut vitæ moderatrice, dicat agenda, monstret prætermittenda, dirigat actiones, cohibeat passiones. Præscribat finem, eligat media ex plurimis optima, modum agendi suggerat : locum, & tempus statuatur ; respiciat præterita, consideret præsentia, prospiciat futura. Stude non multas scire agendi industrias, sed paucas rectè usurpare. Non est virtutis studium, sed curiositatis argumentum, novas sectari rerum agendarum rationes, & quas noveris fastidire. Imò est amoris proprii artificium, qui ut laborem, & molestiam fugiat, nova identidem indaget ut faciliora inveniat. Prævide quotendas, ne alio pervenias, quàm transeas, ne impingas : nec enim via quælibet ducit quo libet. His monitis, si sapias, & tibi consulis, parebis. Enimverò :

Si non parebis, cœlesti sede carebis.